

O`zbekiston Respublikasi Prezidentining 2018 yil 3 maydagi «Charm-poyabzal va mo`ynachilik sohalari rivojlantirish va eksport salohiyatini oshirishni yanada rag`batlantirish chora-tadbirlari to`g`risida»gi PQ-3693-sonli qarori ijrosini ta`minlash to`g`ri

O`zbekiston Respublikasi Prezidentining 2018 yil 3 maydagi «Charm-poyabzal va mo`ynachilik sohalari rivojlantirish va eksport salohiyatini oshirishni yanada rag`batlantirish chora-tadbirlari to`g`risida»gi PQ-3693-sonli qarori ijrosini ta`minlash maqsadida, Vazirlar Kengashi **qaror qiladi**:

1. O`zbekiston Respublikasi Prezidentining 2018 yil 3 maydagi «Charm-poyabzal va mo`ynachilik sohalari rivojlantirish va eksport salohiyatini oshirishni yanada rag`batlantirish chora-tadbirlari to`g`risida»gi PQ-3693-sonli qarori ijro uchun rahbarlikka olinsin.
2. O`zbekiston Respublikasi Prezidentining mazkur qarori bilan:

a) “O`zbekcharm-poyabzali” uyushmasi a`zolarining jun tayyorlash, saqlash va qayta ishlash, chorva mollarini avtomatlashtirilgan holda so`yish, jun va qorako`ldan buyumlar ishlab chiqarish bilan shug`ullanuvchi tashkilotlar ishtirokidagi umumiy yig`ilishi qaroriga muvofiq;

“O`zbekcharm-poyabzali” uyushmasi uning tarkibiga charm, mo`yna xom ashyosi va jun tayyorlash, saqlash va qayta ishlash, chorva mollarini avtomatlashtirilgan holda so`yish, jun, qorako`l va sun`iy charmdan buyumlar, charm-attorlik mahsulotlari, poyabzal ishlab chiqarish bilan shug`ullanuvchi tashkilotlar, shuningdek, boshqa tashkilotlar ixtiyoriy ravishda kirgan holda “O`zcharmsanoat” uyushmasi (keyingi o`rinlarda Uyushma deb yuritiladi) etib qayta tashkil etilganligi;

Uyushma “O`zbekcharm-poyabzali” uyushmasining huquq va majburiyatlari bo`yicha huquqiy voris hisoblanganligi;

quyidagilar Uyushma faoliyatining asosiy vazifalari etib belgilanganligi;

Uyushma a`zolari - tashkilotlarning xo`jalik faoliyatiga chorva mollarini so`yish va teri tayyorlashdan xom ashyoni chuqur qayta ishlash hamda charm-poyabzal, charm-attorlik, mo`yna, qorako`l va jundan ishlangan tayyor mahsulot va buyumlar ishlab chiqarishgacha bo`lgan jarayonning barcha bosqichlarida ko`maklashish;

korxonalarda ilg`or texnologiyalarni, xalqaro standartlar talablariga muvofiq sifat menejmenti tizimini tatbiq etishni rag`batlantirish, Uyushma a`zolari — tashkilotlarni modernizatsiya qilish va texnik jihatdan qayta jihozlashga har tomonlama ko`maklashish;

talabi yuqori bo`lgan sifatli mahsulotlar ishlab chiqarish hajmini ko`paytirish va turlarini kengaytirish, ichki bozorni mahalliy ishlab chiqarilgan import o`rnini bosuvchi va raqobatbardosh mahsulotlar bilan to`ldirish uchun shart-sharoitlar yaratish;

ichki va tarmoqlararo kooperatsiyani, jumladan, charm, mo`yna xom ashyosi va junni chuqur qayta ishlashga ixtisoslashtirilgan tashkilotlar, shuningdek, chorvachilik xo`jaliklari, furnitura va butlovchi buyumlar ishlab chiqaruvchilar o`rtasida kooperatsiyani rivojlantirish;

charm-poyabzal, mo`yna, qorako`l mahsulotlari hamda jundan ishlangan buyumlar segmentlarida ichki va tashqi bozorlarning marketing tadqiqotlarini tizimli ravishda olib borish, tarmoqlarning eksport salohiyatini kengaytirishni qo`llab-quvvatlash, modellashtirish va brendlash bo`yicha eng yangi innovatsion ishlanmalardan foydalangan holda xom ashyoni qayta ishlash va tayyor mahsulot ishlab chiqarishning zamonaviy uslublarini, shuningdek, ilg`or axborot texnologiyalari va avtomatlashtirilgan boshqaruv tizimlarini keng joriy etish;

malakali kadrlar tayyorlash va tarmoqning ilmiy salohiyatini oshirish, shuningdek, ishlab chiqarishni xom ashyo va materiallarning ekologik toza turlaridan foydalangan holda tashkil etish maqsadida ishlab chiqarish, ta`lim va fanning o`zaro integratsiyasi uchun qulay shart-sharoitlarni shakllantirish;

Uyushma a`zolari - tashkilotlarning huquqlari va qonuniy manfaatlarini, jumladan, davlat va xo`jalik boshqaruvi organlari, mahalliy davlat hokimiyati organlari bilan o`zaro munosabatlarda, nazorat qiluvchi organlar tomonidan tekshirishlar o`tkazish jarayonida, shuningdek, sudlarda ishlarni ko`rishda himoya qilish vazifalari yuklatilganligi ma`lumot uchun qabul qilinganligi.

b) Uyushma O`zbekiston Respublikasi Vazirlar Mahkamasining Investitsiyalar, innovatsion rivojlantirish, erkin iqtisodiy va kichik sanoat zonalarini faoliyatini muvofiqlashtirish, turizm masalalari kompleksi tarkibiga kirishi belgilab o`tilganligi.

v) Quyidagilar bilan:

“O`zcharmsanoat” uyushmasining tashkiliy tuzilmasi hamda uning boshqaruv xodimlari cheklangan soni 54 birlikdan iborat ijro etuvchi apparati tuzilmasi 1 va 2-ilovalarga muvofiq;

boshqaruv xodimlarining cheklangan soni 4 birlikdan iborat “O`zcharmsanoat” uyushmasi hududiy bo`limining namunaviy tuzilmasi 3-ilovaga muvofiq ma`qullanganligi;

Uyushma raisi zarurat bo`lganda Uyushma a`zolari umumiy yig`ilishi bilan kelishilgan holda ijro etuvchi apparat va hududiy bo`limlar to`zilmasiga o`zgartishlar kiritish huquqiga ega ekanligi;

Uyushmani saqlash va faoliyatini moliyalashtirish uning tarkibiga kiradigan tashkilotlarning ixtiyoriy ajratmalari va qonun hujjatlarida

taqiqlanmagan boshqa manbalar hisobidan amalga oshirilishi ma'lumot uchun qabul qilinganligi;

g) 2018 yil 1 iyundan yirik va mayda shoxli mollar, teri, mo'yna, qorako'l xom ashyosi va junni yuridik shaxslarga sotishda jismoniy shaxslardan olinadigan daromad solig'i bo'yicha imtiyozlarni qo'llash uchun o'zi ishlab chiqargan mahsulotning kelib chiqishini tasdiqlovchi hujjatni taqdim etish bo'yicha talab bekor qilinganligi;

d) 2018 yil 1 avgustdan:

O'zbekiston Respublikasining bojxona chegarasi orqali charmni (TIF TN bo'yicha 4104—4107, 4112 00 000 0 — 4114 kodlari) olib chiqishga ruxsatnoma berish O'zbekiston Respublikasi Tashqi savdo vazirligi tomonidan Davlat bojxona qo'mitasi va Uyushma bilan kelishilgan holda narx ekspertizasi va laboratoriya tekshiruvlarini o'tkazgan holda amalga oshirilishi;

charmni laboratoriya tekshiruvlaridan o'tkazish O'zbekiston Respublikasi Prezidenti huzuridagi Loyixa boshqaruvi milliy agentligi qoshidagi Akkreditatsiya markazi tomonidan akkreditatsiya qilingan organlar tomonidan amalga oshirilishi;

O'zbekiston Respublikasining bojxona chegarasi orqali yarim tayyor charmni (TIF TN bo'yicha 4104, 4105, 41062 kodlari) olib chiqishga ruxsatnoma berish uchun eksport qilinadigan mahsulot qiymatining 5 foizi miqdorida yig'im undirilishi;

Uyushmaga O'zbekiston Respublikasi Tashqi savdo vazirligi bilan birgalikda bir oy muddatda Vazirlar Mahkamasiga narx ekspertizasi va laboratoriya tekshiruvlari o'tkazishni nazarda tutgan holda Charmni olib chiqishga ruxsatnoma berish tartibi to'g'risidagi nizom loyihasini kiritish vazifasi belgilab quyilganligi;

e) Uyushma, O'zbekiston Respublikasi Moliya vazirligi va Iqtisodiyot vazirligining "O'zcharmsanoat" uyushmasining charm-poyabzal sohasini rivojlantirish va qo'llab-quvvatlash jamg'armasini (keyingi o'rinlarda - Jamg'arma) tashkil etish va quyidagilarni uning asosiy manbalari etib belgilash to'g'risidagi taklifi qabul qilinganligi:

O'zbekiston Respublikasining bojxona chegarasi orqali yarim tayyor charmni (TIF TN bo'yicha 4104, 4105, 41062 kodlari) olib chiqishga ruxsatnoma berish uchun undiriladigan yig'imdan tushadigan barcha mablag'lar;

Uyushma a'zolari - tashkilotlarning, shuningdek, boshqa yuridik va jismoniy shaxslarning ixtiyoriy ajratmalari;

xalqaro moliya institutlari va boshqa xorijiy donorlarning grantlari va kreditlari;

Jamg'armaning vaqtincha bo'sh turgan mablag'larini tijorat banklari depozitlariga joylashtirishdan daromadlari;

qonun hujjatlari bilan taqiqlanmagan boshqa manbalar;

j) Jamg'arma mablag'lari quyidagilar uchun foydalanilishi:

yarim tayyor charmdan — tayyor mahsulot ishlab chiqarishgacha bo'lgan to'liq ishlab chiqarish tsikliga ixtisoslashadigan tashkilotlarni keyinchalik qaytarish sharti bilan mablag' ajratish orqali moliyaviy ko'llab-quvvatlash;

tijorat banklarining charm-poyabzal, charm-attorlik, mo'yna, qorako'l mahsulotlari va jundan ishlangan mahsulotlarni ishlab chiqarish bo'yicha yangi ishlab chiqarish kuvvatlarini tashkil etish, faoliyat yuritayotgan korxonalarni modernizatsiya va rekonstruksiya qilish uchun ajratiladigan kreditlari bo'yicha kafilliklar berish;

korxonalarda ISO:9001 sifat menejmenti tizimini va boshqa xalqaro standartlarni joriy etish bo'yicha tadbirlarni moliyalashtirish;

kadrlar tayyorlash va qayta tayyorlash, mutaxassislar malakasini oshirish, jumladan yosh mutaxassislarning xorijda o'qishi va stajirovka o'tashi bilan bog'liq xarajatlarni moliyalashtirish;

Uyushma a'zolari - tashkilotlarning xalqaro ko'rgazmalar va yarmarkalarda ishtirok etishdagi xarajatlarini qoplash;

Uyushmaning moddiy-texnik bazasini mustahkamlash, Uyushma ijro etuvchi apparati xodimlarini moddiy rag'batlantirish, Uyushmaning xorijiy vakolatxonalarini saqlash va xorijiy maslahatchilar xarajatlarini qoplash;

qonun hujjatlari bilan taqiqlanmagan boshqa maqsadlar;

Uyushma O'zbekiston Respublikasi Moliya vazirligi bilan birgalikda bir oy muddatda Vazirlar Mahkamasiga Jamg'arma daromadlarini shakllantirish va mablag'laridan foydalanish tartibi to'g'risidagi nizom loyihasini kiritish, unda har yili daromadlar va xarajatlar smetasi tasdiqlanishini, shuningdek, Jamg'arma mablag'laridan maqsadli foydalanilishi ustidan Uyushma a'zolarining umumiy yig'ilishi tomonidan, yarim tayyor charmni eksport qilishda undiriladigan yig'im mablag'laridan foydalanish qismi bo'yicha esa O'zbekiston Respublikasi Moliya vazirligi tomonidan nazorat olib borilishi nazarda tutilishi belgilab qo'yilganligi;

z) yuridik shaxslardan olinadigan foyda solig'i, yagona soliq to'lovi, shuningdek, davlat maqsadli jamg'armalariga majburiy ajratmalarni hisoblashda yuridik va jismoniy shaxslarning soliq solinadigan bazasi Jamg'armaga kiritilgan ixtiyoriy ajratmalar miqdoriga kamaytirilishi belgilab qo'yilganligi;

i) Uyushma a'zolari — tashkilotlarga 2023 yil 1 yanvargacha qadar muddatda quyidagi ko'rinishdagi soliq va bojxona imtiyozlari hamda preferentsiyalar berilganligi:

foyda solig'i va mol-mulk solig'i, mikrofirmalar va kichik korxonalar uchun yagona soliq to'lovi, shuningdek, davlat maqsadli jamg'armalariga majburiy ajratmalar to'lashdan ozod etish;

belgilangan tartibda tasdiqlanadigan ro'yxatlar bo'yicha import qilinadigan, Uyushma a'zolari — tashkilotlar tomonidan o'z ishlab chiqarishida foydalaniladigan asbob-uskunalar, butlovchi buyumlar, respublikada ishlab chiqarilmaydigan xom ashyo, materiallar va furnitura uchun bojxona to'lovlaridan (bojxona rasmiylashtiruv uchun yig'imlardan tashqari) ozod etish;

yuqoridagi tasdiqlanadigan ro'yxatlarga kiritilmagan, o'z ishlab chiqarishi uchun zarur bo'lgan asbob-uskunalar, butlovchi buyumlar, xom ashyo,

materiallar va furnituralarni import qilishda bojxona deklaratsiyasi qabul qilingan kundan boshlab bojxona to'lovlarini (bojxona rasmiylashtiruv uchun yig'img'lardan tashqari) to'lashni 60 kunga qadar muddatga kechiktirish;

k) O'zbekiston Respublikasi Prezidentining mazkur qarorining 9-bandida ko'rsatilgan soliq imtiyozlari va preferentsiyalar faqat quyidagilarga nisbatan ko'llanilishi;

zamonaviy avtomatlashtirilgan majmualar bilan jihozlangan chorva mollari so'yish bo'yicha ixtisoslashtirilgan tashkilotlarga;

charm, mo'yna, qorako'l xom ashyosi va junni yig'ish va tayyorlash bilan shug'ullanuvchi tashkilotlarga, keyinchalik ushbu xom ashyo qayta ishlash (ishlatish) uchun faqat Uyushma a'zolari - tashkilotlarga sotilganida hamda yalpi tushumning umumiy hajmida ushbu turdagi faoliyatdan tushgan tushumning ulushi hisobot davri natijalari bo'yicha kamida 80 foizni tashkil qilganda;

charm, mo'yna, qorako'l xom ashyosi va junni qayta ishlash, shuningdek, butlovchi buyumlar, furnitura, sun'iy charm, charm-poyabzal, charm-attorlik, mo'ynachilik, qorako'l mahsulotlari va jundan ishlangan mahsulotlarni ishlab chiqarishni amalga oshiradigan tashkilotlarga, agar yalpi tushumning umumiy hajmida ushbu turdagi faoliyatdan tushgan tushumning ulushi hisobot davri natijalari bo'yicha kamida 60 foizni tashkil qilsa;

l) O'zbekiston Respublikasi Moliya vazirligi Davlat soliq qo'mitasi, Uyushma hamda boshqa manfaatdor vazirlik va idoralar bilan birgalikda bir oy muddatda mazkur bandda nazarda tutilgan soliq imtiyozlari va preferentsiyalarni qo'llash tartibini ishlab chiqsin hamda belgilangan tartibda tasdiqlasin.

m) Uyushma a'zolari umumiy yig'ilishining "O'zcharmimpeks" unitar korxonasi (keyingi o'rinlarda - "O'zcharmimpeks" UK) tashkil etish va quyidagilarni uning asosiy vazifalari etib belgilash to'g'risidagi taklifiga rozilik berilganligi:

reklama tadbirlari va ko'rgazmalar o'tkazish, shuningdek, Uyushma a'zolari — tashkilotlarga marketing, axborot va konsalting xizmatlari ko'rsatish xisobiga charm-poyabzal, charm-attorlik, mo'ynachilik, qorako'l mahsulotlari va jundan ishlangan mahsulotlar eksportini tashkil etish;

charm-poyabzal, charm-attorlik, mo'ynachilik, qorako'l mahsulotlari va jundan ishlangan mahsulotlarni komissiya shartnomalari bo'yicha va xorijiy sheriklar bilan to'g'ridan-to'g'ri to'zilgan eksport shartnomalari asosida, shuningdek, xorijda tashkil etiladigan savdo uylari orkali eksport qilish;

tarmoq tashkilotlariga texnologik asbob-uskunalar, ehtiyot qismlar, butlovchi buyumlar, xom ashyo va materiallar, aksessuarlar, furnitura, poyabzal qoliplari va boshqa buyumlar etkazishda, jumladan import qilishda ko'maklashish;

n) "O'zcharmimpeks" UKga nisbatan mazkur qarorda nazarda tutilgan, Uyushma a'zolari — tashkilotlarga beriladigan imtiyozlar va preferentsiyalar tatbik etilganligi;

o) Uyushmaga O'zbekiston Respublikasi Tashqi savdo vazirligi, Iqtisodiyot vazirligi, Investitsiyalar bo'yicha davlat qo'mitasi, Davlat bojxona qo'mitasi, "O'zstandart" agentligi bilan birgalikda ikki oy muddatda mazkur sohadagi ilg'or tajribani va maqsadli eksport bozorlarining talablarini hisobga olgan holda tayyor charm-poyabzal, mo'ynachilik va qorako'l mahsulotlarini markirovka qilish tizimini joriy etish bo'yicha kompleks chora-tadbirlarni tasdiqlash uchun O'zbekiston Respublikasi Vazirlar Mahkamasiga kiritish topshirilganligi;

p) tijorat banklariga zamonaviy avtomatlashtirilgan majmualar bilan jihozlangan chorva mollari so'yish bo'yicha ixtisoslashtirilgan tashkilotlarga aylanma mablag'larini to'ldirish, shuningdek, tayyorlov tashkilotlariga charm, mo'yna, qorako'l xom ashyosi va junni yig'ish va tayyorlash uchun qulay foiz stavkalari bo'yicha kredit mablag'larini ajratish tavsiya etilganligi.

r) Uyushmaga ikki hafta muddatda "Charm va poyabzal dizayni markazi" sho'ba korxonasi faoliyatini tanqidiy baholash asosida uning ish samaradorligini oshirish, eng avvalo, moda industriyasidagi o'zgarishlarga tez ta'sir choralari ko'rish va mahalliy ishlab chiqaruvchilar uchun tegishli tavsiyalar ishlab chiqish, xorijiy moda uylari, mo'ynachilik auktsionlari va poyabzal, charm-attorlik, mo'ynachilik, qorako'l mahsulotlari va jundan ishlangan buyumlarni ishlab chiqarishga ixtisoslashtirilgan kompaniyalar bilan hamkorlikni kengaytirish, shuningdek, ishlab chiqarilayotgan qator mahsulot modellari dizaynini yaxshilash va turlarini kengaytirish uchun xorijiy model'lar, dizaynerlar va feshn-ekspertlarni jalb etish masalalari bo'yicha aniq choralar ko'rish vazifasi topshirilganligi;

s) O'zbekiston Respublikasi Tashqi ishlar vazirligiga Uyushmaning buyurtmalari bo'yicha Uyushma taklif etayotgan xorijiy mutaxassislar va ko'rgazmalarining xorijiy ishtirokchilariga kirish vizalari konsullik yig'img'larini undirilmasdan rasmiylashtirilishini ta'minlash vazifasi yuklanganligi, haqiqiy xarajatlarni qoplash yig'img'larini bundan mustasno ekanligi;

O'zbekiston Respublikasi Ichki ishlar vazirligiga Uyushmaning buyurtmalari bo'yicha Uyushmaga jalb etiladigan xorijiy mutaxassislar davlat boji undirilmasdan ko'p martalik kirish vizalari rasmiylashtirilishi, berilishi va ularning muddati uzaytirilishini, shuningdek, vaqtincha propiska qilinishi, turgan joyi bo'yicha hisobga olinishi va ularning uzaytirilishini ta'minlash vazifasi topshirilganligi;

O'zbekiston Respublikasi Bandlik va mehnat munosabatlari vazirligiga Uyushmaning buyurtmalari bo'yicha Uyushmaga yuklatilgan vazifalarni bajarish uchun respublikaga yuqori malakali xorijiy mutaxassislarni jalb etishga ruxsatnomalar berilishini (o'zaytirilishini), shuningdek, jalb qilinayotgan xorijiy mutaxassislar O'zbekiston Respublikasi hududida mehnat faoliyati bilan shug'ullanish huquqini beruvchi tasdiqnoma berilishini (o'zaytirilishini) ta'minlash vazifasi topshirilganligi;

t) Uyushmaga O'zbekiston Respublikasi Oliy va o'rta maxsus ta'lim vazirligi, Iqtisodiyot vazirligi bilan birgalikda ikki oy muddatda O'zbekiston Respublikasi Vazirlar Mahkamasiga;

Toshkent to'qimachilik va engil sanoat instituti tuzilmasida Charm-poyabzal sohasi muhandis-texnik xodimlarini qayta tayyorlash va malakasini oshirish bo'yicha o'quv markazini tashkil etish;

2018-2019 o'quv yilidan boshlab Toshkent to'qimachilik va engil sanoat institutida "Charm va mo'ynadan ishlangan mahsulotlar texnologiyasi va ularni yaratish", "Texnologiyalar va uskunalar: charm va mo'yna, qorako'l", "Texnologiyalar va uskunalar: poyabzal va charm-attorlik mahsulotlari" ta'lim yunalishlari bo'yicha mutaxassislar tayyorlash;

charm-poyabzal, mo'ynachilik, qorako'lchilik tarmoqlari sohasida mutaxassislar tayyorlash bo'yicha mavjud kasb-hunar kollejarini qayta ixtisoslashtirish va yangi yunalishlarni ochish orkali hududiy ixtisoslashtirilgan kasb-hunar kollejarini tashkil qilish;

o`quvchilarning o`qish mobaynida olingan amaliy va nazariy bilimlarini mustahkamlash uchun o`quv amaliyoti dasturlariga muvofiq Uyushma a`zolari - tashkilotlarda majburiy stajirovka o`tash amaliyotini joriy etish;

ta`lim muassasalarida sohaning yuqori malakali mutaxassislari tomonidan maxsus fanlar hamda charm-poyabzal va mo`ynachilik tarmoqlarining dolzarb masalalari bo`yicha mashg`ulotlar o`tkazishni, ma`ruzalar o`qishni (jumladan soatbay to`lov shartlarida) joriy etish yuzasidan takliflar kiritish topshirilganligi ma`lumot uchun qabul qilinsin.

1. Quyidagilar "O`zcharsanoat" uyushmasi Qoraqalpog`iston Respublikasi bo`limining (keyingi o`rinlarda Bo`lim deb yuritiladi) asosiy vazifalari etib belgilansin.

"O`zcharsanoat" uyushmasi Qoraqalpog`iston Respublikasi bo`limining a`zolari - tashkilotlarning xo`jalik faoliyatiga chorva mollarini so`yish va teri tayyorlashdan xom ashyoni chuqur qayta ishlash hamda charm-poyabzal, charm-attorlik, mo`yna, qorako`l va jundan ishlangan tayyor mahsulot va buyumlar ishlab chiqarishgacha bo`lgan jarayonning barcha bosqichlarida ko`maklashish;

korxonalarda ilg`or texnologiyalarni, xalqaro standartlar talablariga muvofiq sifat menejmenti tizimini tatbiq etishni rag`batlantirish, Uyushma a`zolari — tashkilotlarni modernizatsiya qilish va texnik jihatdan qayta jihozlashga har tomonlama ko`maklashish;

talabi yuqori bo`lgan sifatli mahsulotlar ishlab chiqarish hajmini ko`paytirish va turlarini kengaytirish, ichki bozorni mahalliy ishlab chiqarilgan import o`rnini bosuvchi va raqobatbardosh mahsulotlar bilan to`ldirish uchun shart-sharoitlar yaratish;

ichki va tarmoqlararo kooperatsiyani, jumladan, charm, mo`yna xom ashyosi va junni chuqur qayta ishlashga ixtisoslashtirilgan tashkilotlar, shuningdek, chorvachilik xo`jaliklari, furnitura va butlovchi buyumlar ishlab chiqaruvchilar o`rtasida kooperatsiyani rivojlantirish;

charm-poyabzal, mo`yna, qorako`l mahsulotlari hamda jundan ishlangan buyumlar segmentlarida ichki va tashqi bozorlarning marketing tadqiqotlarini tizimli ravishda olib borish, tarmoqlarning eksport salohiyatini kengaytirishni qo`llab-quvvatlash, modellashtirish va brendlash bo`yicha eng yangi innovatsion ishlanmalardan foydalangan holda xom ashyoni qayta ishlash va tayyor mahsulot ishlab chiqarishning zamonaviy uslublarini, shuningdek, ilg`or axborot texnologiyalari va avtomatlashtirilgan boshqaruv tizimlarini keng joriy etish;

malakali kadrlar tayyorlash va tarmoqning ilmiy salohiyatini oshirish, shuningdek, ishlab chiqarishni xom ashyo va materiallarning ekologik toza turlaridan foydalangan holda tashkil etish maqsadida ishlab chiqarish, ta`lim va fanning o`zaro integratsiyasi uchun qulay shart-sharoitlarni shakllantirish;

Uyushma a`zolari - tashkilotlarning huquqlari va qonuniy manfaatlarini, jumladan, davlat va xo`jalik boshqaruvi organlari, mahalliy davlat hokimiyati organlari bilan o`zaro munosabatlarda, nazorat qiluvchi organlar tomonidan tekshirishlar o`tkazish jarayonida, shuningdek, sudlarda ishlarni ko`rishda himoya qilish.

1. Belgilansinki, Bo`lim Qoraqalpog`iston Respublikasi Vazirlar Kengashining Investitsiyalar, innovatsiyalar, xususiyashtirilgan korxonalariga ko`maklashish, erkin iktisodiy va kichik sanoat zonalarini hamda turizm rivojlantirish masalalari kompleksi tarkibiga kiradi.
2. Qoraqalpog`iston Respublikasi Bojxona boshqarmasi va Davlat soliq boshqarmasi O`zbekiston Respublikasi Prezidentining mazkur qarori bilan beriladigan soliq va bojxona imtiyozlari hamda prefentsiyalarini inobatga olgan holda, shahar va tumanlarda tadbirkorlik sub`ektlariga keng tushuntirish ishlarini olib borsin.
3. Qoraqalpog`iston Respublikasi Ichki ishlar vazirligi Bo`limning buyurtmalari bo`yicha Bo`limga jalb etiladigan xorijiy mutaxassislariga davlat boji undirilmasdan ko`p martalik kirish vizalari rasmiylashtirilishi, berilishi va ularning muddati uzaytirilishini, shuningdek, vaqtincha propiska qilinishi, turgan joyi bo`yicha hisobga olinishi va ularning uzaytirilishini ta`minlasin.
4. Mazkur qarorning ijrosini nazorat qilish Qoraqalpog`iston Respublikasi Vazirlar Kengashi Raisining o`rinbosari B.Xabibullaev zimmasiga yuklansin.

**Qoraqalpog`iston Respublikasi
Vazirlar Kengashining Raisi**

Q. Sariev

Ko`rib chiqildi:

- 🏠
- 🏢
- ✉️

- [Vazirlar Kengashi](#)
- [Statistik va tahliliy ma`lumotlar](#)
- [Vazirliklar va idoralar](#)
- [Shahar va tuman hokimliklari](#)
- [Hujjatlar](#)
- [Respublika mehmonlariga](#)
- [Elektron hukumat](#)
- [Interaktiv davlat xizmatlar](#)